

興化府莆田縣志卷十六

人物志

人材爲山川靈氣發生而人材之多山川又藉以輝映所謂地以人重也莆僻處海濱齊名鄒魯非人物彬彬故與蓋肇於唐盛於宋尤盛於明及我

國朝蔚焉繼起正學興而名臣儒者相望忠孝著而事業文章煌然赴義如飴潔身恐浼谷隱幽人鄉稱善士咸班班可考家貧讀書有由然矣

興化府莆田縣志

卷十六

人物

一理

至於方外竒踪閨中懿則其可傳者不又多乎哉分類臚陳表人傑也益以見地靈仰止景行之思於是乎在作人物志

理學傳

宋方峻字景通天聖八年進士爲建安簿景祐初試秘書郎福州司理嘉祐中請老分司南京居于家榜所居曰植德堂堂之南曰小隱聚徒講學嘗於所居東北鑿井旣及泉峻禱曰願子孫官居清白如此水初峻官潤州識程珣及卒珣之子願爲狀

其行又托范祖禹爲撰神道碑長子士寧字彥昌少聰敏強學慶歷六年進士爲劍浦尉有治績三司使蔡襄薦其才官至都官郎中

方元案字道輔峻次子元祐六年特科出身少與程伊川願同遊濶學至老書問不絕家藏伊川手札云比得二書皆有與世背馳求合古聖賢之語足下非混俗之流其志道之士乎願愚無他能斷斷聖人之道有年矣非徒自盡其心而已思欲天下之心吾心也故因足下之言探足下之意欣然不

興化府莆田縣志

卷十六

人物

二 理

能已願足下精心致志期於至而後已聖人之道坦如大路學者得其門而入無遠不可到也足下由經以求道勉之又勉異日見卓爾有立於前然後不知手之舞足之蹈不待勉而不能自止矣官終威武節度推官

黃君俞字廷僉校書璞之元孫也父問字公裕博通五經劍上林義齋以聚英俊之士立爲五規一曰修身謹行二曰立志抗節三曰潛心經術四曰蓄意世務五日限日收功卒左丞皇甫泌誅之曰義

成逸士君俞幼強學著書一百卷名動京師誠開
封進士第一四黜禮部鄭獬滕甫王珪陳襄等交
章論薦召試舍人院除國子監直講改館閣校勘
卒

黃穎字仲實常從陳襄學于毗陵襄愛其文行置于
經社孫莘老治廣德穎援詩疑義以問莘老竒之
元祐間舉經明行修科時天下弗就者二人穎其
一也哲宗以弗至間適莘老爲中丞因條其學行
以對詔降袍笏就其家起之始調清溪尉轉知長

興化府莆田縣志

卷十六

人物

三

泰縣修治學舍無一不備晨治邑事日中與諸生
講肄經旨逮暮而歸文以職田穀三百餘石與耕
民悉不取尋權龍溪尉卒二縣士民齋金以贖其
子公坦一無所受公坦宣和六年進士官通直郎
林光朝字謙之少有聲場屋間再舉禮部不第不復
以得失爲意聞吳中陸子正常受學於尹焯因往
從之游自是遂專心聖賢踐履之學凡一言一動
皆足爲時矜式四方從學者歲必慮數百人平生
未嘗著書其於聖賢微旨有得於師傳者惟口授

學者使之心通理解嘗曰道之全體存乎太虛六經既發明之後世註解固已支離若復增加道逾遠矣孝宗隆興元年光朝年五十始以進士及第授左迪功郎袁州司戶參軍未上乾道三年龍大淵會覲用潛邸恩俸進光朝以名儒召對頗及二人罪由是改左承奉郎知永福縣而大臣論薦不已五年召試館職爲秘書省正字兼實錄院檢討官六年四朝會要書成遷著作佐郎進國子司業九年出爲廣西提點刑獄淳熙元年移廣東會茶

興化府莆田縣志

卷十六

人物

四理

寇自荆湘剽江西薄嶺南其鋒銳甚光朝督兵遮擊連敗之帝聞之喜曰林光朝儒生乃知兵耶加直寶謨閣召拜國子祭酒兼太子左諭德四年帝幸國子監命講中庸帝大稱善賜金紫不數日除中書舍人兼侍講是時吏部郎謝廓然由會覲薦賜同進士出身除殿中侍御史命從中出光朝愕然曰是輕臺諫羞科目也立封還詞頭天子度光朝決不奉詔改權工部侍郎請外以朝散郎充集英殿修撰知婺州引疾提舉江州太平興國宮年

六十五卒諡文節光朝老儒通練世務負士望甚
重在後省繳駁廓然除命呂東萊祖謙喜曰此舉
過江後未有也光朝既歿朱文公熹常嘆曰某少
年過莆見林謙之方次雲說得道理極精細爲之
踴躍鼓動退而思之忘寢食者數時及再過則二
公已歿更無一人能繼其學矣有集二十卷陳宓
謂其森嚴奧美上叅經訓下視騷辭劉克莊亦謂
高處逼檀弓穀梁平處猶與韓愈驅世不以其言
爲過云門人黃芻字季野志行高古自劉夙劉朔

興化府莆田縣志

卷十六

人物

五理

林亦之而下皆推讓焉一第而天官止懷安丞陳
士楚字英仲少篤志問學登乾道八年進士調臨
江戶曹以國子監簿召對孝宗獎其誠實紹熙初
直經筵講周書無逸知稼穡之艱難乃逸章其說
曰百穀麗于土芟萌旣敷方有實三農力于田莠
草旣除方有秋以喻小人有妨君子之意孝宗傳
諭曰陳直講說書議論精詳理致深奧誠得師儒
之道除右侍郎右史退葺御書閣扁陽春堂揖壺
樓觀稼亭者宸筆揮洒慶元改元除侍講林希逸

守莆祠艾軒于穀城山以士楚侑饗云

方翥字次雲峻孫元家子幼孤多所通解書過目即貫穿下筆有軌語從兄畧作萬卷樓儲書千二百笥語翥曰次雲才性不出戶十年可移吾書入肝膈矣登紹興八年進士第調閩清縣尉到官未一載歸闔戶十八年盡讀其書無于進意有旨召對除秘書省正字凡九月以風聞論事聽外補卒于家初翥與林艾軒光朝俱在錢塘艾軒喜李太白石曼卿之爲人又愛晉人風度不入俗調翥曰此

興化府莆田縣志

卷十六 人物

六 理

數人來孔門恐一日著脚不得艾軒遂愧悟以翥爲先聞道兄事之蓋楊龜山之學傳之王信伯信伯傳之鹽官施廷先翥與廷先居最久至是艾軒亦定交焉及翥歸益與艾軒講明道理以淑後進方大壯字履之少穎悟操筆成章艾軒二劉咸推重之年長不事場屋專心求道朱文公至莆舉所學就正焉得其親傳之懿日與同志講明自號履齋文公爲書其扁大壯性至孝執父喪三年不出戶臨沒勉子姪養其母戒治喪無用浮屠冠衣束帶

而沒學者稱履齋先生姪符字子約亦受學於朱文公爲作字說第慶元己未進士文公寓書大壯曰符清苦自勵窮達得喪惟命之安歷潤衢二州教授知瀏陽縣通判徽州未上卒

鄭耕老字穀叔父安正嘗築書堂率子弟講學其中一時名士多從之游耕老登紹興十五年進士授懷安主簿母喪服闋調溫州法曹改明州教授四明白焚蕩之後學陋教弛耕老更營學區爲講說時有以通經術薦者召見奏言太祖嘗問趙曾曰

興化府莆田縣志

卷十六

人物

七理

天下何物最大由道理最大知道道理爲大則必不以私意而失公中孝宗悅親擢國子主簿添差福建安撫司機宜文字滿秩徑歸南陂素厭聲律浮靡讀詩易庸範語孟味其深微皆有訓釋榮利澹如也卒年六十五兄箕老特奏名

劉夙字賓之莆自林光朝倡聖賢踐履之學夙與弟朔師事之得其傳夙擢紹興二十一年第歷臨安府教授以弟朔爲溫州司戶迎母游氏就養因乞與溫州教授莫冲兩易以便親從之作養人才多

所成就陳傅良以諸生見夙賞重之果以文名孝
宗卽位召對除樞密院編修官以親老屢求去無
何兼國史院編修官夙曰求去以便私也美職可
因而得乎力辭不就除著作佐郎輪對首論馳射
近侍備淮三事又以江浙水奉詔陳得失乃上疏
曰陛下與曾覲龍大淵輩觴詠唱酬字而不名罷
宰相易大將待其言而後決嚴法守裁僥倖當自
宮掖近侍始又及黃門溢格宰相臺諫不振及謹
邊防辨才德凡六事丐外章再上以爲周湖北路

興化府莆田縣志

卷十六

人物

八理

安撫司叅議官以興化猶剩米病民請盡蠲之乾
道元年以親老丐祠主台州崇道觀三年金知衢
州轉奉議郎奏劄論舒民力罷貢獻辨君子小人
在州期年政平訟簡會會覲副賀金正旦道衢謁
夙不納復求去徙知溫州明年引疾歸甫一年卒
是歲王龍學龜齡芮司業畢俱卒而夙復繼之呂
祖謙悼以詩曰諸老收身盡佳城又到公蒼天那
可問吾道竟成窮旌捲莆田雨簫橫雪水風今年
襟上淚三滴萬夫雄林光朝答士友慰吊之書有

云賓之愛君均於愛親憂國過於憂身古有遺直
今難其人其爲一時名賢所推重如此夙二子彌
正彌邵彌正淳熙八年進士嘗爲朱子定謚曰文
韓侂胄兵禍萌芽使彌正如兩淮還言無故而先
發天理不順無豫而輕舉人謀不從侂胄怒官終
吏部侍郎

劉彌邵字壽翁夙方盛年歿家貧有書數厨彌邵慨
念先澤卧起其間不爲舉子業惟以學古爲心自
六經以下莫不抄纂考論古今斷制義理一以洙

興化府莆田縣志

卷十六

人物

九理

泗關洛語爲法郡守楊棟創尊德堂於學宮以處
之及棟提點福建刑獄復薦于朝未報卒年八十
二彌邵性狷介嘗質經於陳宓評史於鄭寅問易
於蔡淵自是之外罕與人接臨卒猶爲諸孫講張
栻集解孟子一章所著有易藁漢考等書藏於家
子寔有傳

劉朔字復之夙第紹興三十年試禮部第一廷試甲
科調溫州司戶叅軍屬歲饑疫火焚千餘家守素
孚以朔董其事饑者與粟病者與劑寒濱死者與

褚被以藥囊粥釜自隨所活數萬人孝宗初立與
林光朝同召對曰陛下何不延納憤激敢言之士
而聽訐直難堪之言因以自考察成敗得失且及
會覲龍大淵罪狀改宣議郎知福清縣以至誠待
民聽訟無留滯市食掛錢於門民當其物持錢而
去會病作請祠歸再召入對時虞允文贊孝宗恢
復士多嚮之朔極諫以爲宜選兵將廣儲時責成
於端重堪事者從容以待其變不可憑虛蹈空過
爲指料決天下於一擲孝宗竦然免試除秘書省

正字以疾丐外除福建安撫司叅議官行至信安
傳舍卒朔與其兄夙皆爲時望所推學者輻輳其
門夙性挺特不以色假人朔則濟以和易至於輕
祿位而重出處厚名義而薄勢利盡言於朝盡心
於官飭廉隅公是非殆不相讓云朔二子起晦字
建翁擢淳熙五年第知貴溪縣召試秘書省正字
兼益王府教授蔚有時望識者謂其材行不忝於
其父而言官指爲僞學劾罷之起世擢慶元二年

黃補字季全潛後父端第紹興十二年進士歷惠州
教授終安溪縣令補侍宦惠州時永嘉陳鵬飛適
謫居于此因得師友之其爲學專用心於內不以
世間利達少動其心已而教授于鄉及門者數百
人時林光朝講學城南補在城東幾與齊名乾道
八年登特科授高州文學調高要縣尉卒有九經
解等書

方耒字耕道仲宇曾孫少孤苦學第于來禾皆自教
之既而師事朱文公于建安乾道二年登第調潭

興化府莆田縣志

卷十六

人物

十一
理

州善化尉復謁張南軒杖杖深喜之謂世之可與
共生歿同禍福者耒一人耳後南軒帥荆南辟耒
及游九言爲屬曰是二人者能攻吾過失耒感激
知己遇事無隱改知連江縣卒禾字耕叟亦登文
公之門文公以改過修己之方莫切於論語弟子
入則孝一章禾佩服之

方壬字若水元案曾孫淳熙中遊太學往返建安必
叅謁朱子十四年擢第除長泰縣主簿朱子適守
漳請壬主學事壬條上講說課試差補等十事朱

子令屬邑皆倣之學舊取陂塘錢穀以廩士壬以學校道義之地不可納無名之賦請於朱子以廢寺租代輸又請蠲僧寺子斗錢罷科茶錢皆如其言及朱子召選出大學章句付壬俾刻示學者明年龍巖有變卒殺人獄吏抑同行者誣伏漳浦有僧斃於佃而鞫驗者皆曰服毒壬以郡委闕實抵卒及佃罪朱子聞之與壬書曰龍巖之行使無罪者不以寃歿有罪者無所逃刑此非細事秩滿除知寧鄉縣未上卒壬性孝友篤守家法與弟申居

興化府莆田縣志

卷十六

人物

十三
理

終始無間言家人議折先世田廬既具草壬流涕不忍視而止

方士繇字伯謨父豐之工詩朱文公常稱其豪壯士繇早孤依母家邵武呂氏已而徙崇安從文公遊遂廢進士業直以學古爲事薰陶涵養日進高明門人推爲高第六經皆通尤長於易嘗以老子之言爲有激而世黜之太過佛雖夸而立志之堅亦有可取謂百家大抵多駁然亦不可掩其所長甚學詩間有所作亦寄情蕭散有集一卷藏於家

紹熙間文公之門人_三有至行在者公卿延致惟恐
後士繇在遠聞之曰異時必為學者禍未幾學禁
果作其憂深慮遠多類此云

黃士毅字子洪自莆徙居吳不忝故鄉因號壺山幼
知嗜學為向上事業方慶元詆排道學士教徒步
趨闕師朱文公命日觀一書夜叩所見居數月授
以大學章句終其身從事於斯著述甚富嘗類註
儀禮撰次文公書說及文集語錄若干卷嘗言孔
孟之道至周程而復明至朱子而大明識者以為

興化府莆田縣志

卷十六

人物

三
理

知言

陳宓字師復少登文公門長從黃幹遊以父俊卿任
歷泉州南安鹽稅知安溪縣嘉定七年入監進奏
院時因旱求言宓上封事言宮闈儀型有所未正
朝廷權柄有所未一政令刑賞多所舛逆若能交
飭內外一正紀綱天且不雨臣請伏面慢之罪奏
入丞相史彌遠不樂而中官慶壽三牙獻遺至是
為之罷却尋遷軍器監簿九年轉對言人主之德
貴乎明大臣之心貴乎公臺諫之言貴乎直三者

機括所係願陛下幡然悔悟昭明德以照臨百官
大臣臺諫亦宜公心直節以副望治之意指陳時
政視前疏尤剴切焉宓遂請罷歸旋擢太府丞不
拜出知南康軍詣史彌遠別彌遠日子言甚切當
第愚昧不能行歿有愧耳至官歲大稔奏蠲其賦
士之九會流民羣集宓就役之築江隄而給其食
時造白鹿洞與諸生討論改知南劍州大旱疫蠲
逋賦十數萬且弛新輸三之一躬率僚吏持錢穀
藥餌戶給之創延平書院悉倣白鹿洞之規改知

興化府莆田縣志

卷十六 人物

古 理

漳州未行聞寧宗崩嗚咽累日遂請致仕寶慶二
年除提點廣東刑獄不就以直秘閣主管宗廟觀
卒初宓之在朝也寺丞丁焞往使金宓嘆曰國讐
未復何以好爲宓天性剛毅信道尤篤嘗爲朱墨
銘謂朱屬陽墨屬陰以驗理欲分寸之多寡自言
居官必如顏真卿居家必如陶潛而深愛諸葛亮
身歿家無餘財庫無餘帛庶乎能蹈其語者端平
初殿中侍御史王遂首言宓事先帝有論諫之直
宜褒其身後以勸天下之爲臣者帝感動詔贈直

龍圖閣所著有論語註義問答等書並文集

家姪均字平甫力學好古足不出書室口不及事以累舉恩當大對不屑就嘗參稽宋史及司馬氏稽古錄徐氏國紀李氏續通鑑長編諸書用朱文公通鑑綱目義例輯成宋編年舉要備要二書舉要猶綱也備要猶目也起太祖建隆庚申迄寧宗嘉定甲申凡數十卷端平初有言于朝者下福州取其書勅賜迪功郎不受所居容膝妻啼兒號處之泰然年七十餘卒鄭性之題其墓曰篤行君

興化府莆田縣志

卷十六

人物

十五

理

子鈍齋陳公之墓

鄭可學字子上露後由鄉薦道武夸見朱文公從學自以稟性褊急於懲忿工夫尤力久之最稱得文公精要文公守臨漳賓禮可學以教其子弟晚年刪定大學一編曰此書欲付得人惟子上足以當之凡四方學者疑問多使可學是正而士友之南者必見可學而後行呂祖儉李孟傳廖德明皆敬禮之前後三奉大對嘉定四年始授忠州文學是歲廖德明帥廣招致郡齋湖南漕使曾槃檄攝衡

陽戶曹道卒初可學在臨安欲往見陸子靜或云
吾子方學不可見陸見歸必學參禪文公頗是之
所著有春秋博議

黃績字德遠潛裔兄績寶慶二年進士績少凝重稍
長棄舉子業慨然有求道之志始遊淮浙遍參諸
老中年還里聞陳宓潘柄從黃榦得朱子學遂師
事之與同志十餘人集陳氏仰止堂旬日一講宓
柄卒績與同門友築東湖書堂請田于官春秋祀
焉讀約聚講如二師時向之同門友人相與就正

興化府莆田縣志

卷十六 人物

十六 理

於績故績雖布衣爲鄉先生三十年郡守佐博士
皆加敬禮焉晚聞趙以夫作易通與之上下其論
以夫謂爲益友年七十一卒績與兄績皆與劉克
莊善克莊曰績曰愛友績曰畏友績以獨不懼名
齋克莊爲記所著有四書遺說等書藏于家

黃仲元字善甫號四如少刻志讀濂洛關閩書及父
績所傳潘陳二師書摻次唐宋名人文凡二百四
十二家文學爲時推重第咸淳七年進士歷八
子監簿不赴宋亡後更其名曰淵字天叟以

居深入理與文學擅于穀梁詩宗三百篇陶韋柳
州推廣先志尤嚴東湖之祠雖老不少廢年八十
二卒有四書講稿藏于家

鄭獻翁字帝臣少從鄉先生黃績學嘗與朋儕私自
較藝一日作三十餘論衆皆驚服咸淳元年進士
終漳州推官至元改物故官例起叙用而獻翁以
老病免方是時前輩舊德多已淪謝後生頗染習
俗獻翁獨以所學傳於人故家子弟猶賴之不墜
其業顧長卿兄弟皆出其門復與績之子仲元及
興化府莆田縣志

卷十六

人物

十七

其徒林應成倡仰止之學績東湖之祀鬻田數十
畝爲春秋釋奠費年七十餘卒

元林以辨字于泉積仁裔祖汝大嘗受學於黃績得
潘柄陳宓之傳咸淳七年與長子棟同登第歷官
宗正寺簿宣撫司機宣宋亡不仕年七十二卒以
辨通易書春秋善說詩皇慶中詔以科目取士以
辨不苟求合究心程朱之學福泉之士爭聘爲師
方在泉山一日促歸未浹旬卒年六十二朱文憲
稱其明歿生之際云

周瑛字梁石領景泰癸酉鄉薦屢上春官不第乃
益汎濫羣籍務鉤深探賾與南海陳獻章迨左賀
欽上下其議論成化己丑始第進士知廣德州興
文教絕淫祠表貞事之忠而嚴不舉女之禁教民
有錄祠山有辨陞南京禮部郎中出爲撫州知府
興水利均輸納力行保伍之法權右或以爲不便
調鎮遠因俗爲政不鄙夸其民以書滿歸省宏治
初起爲四川參政尋轉右布政使丁母憂服闋乞
致仕始事中楊廉吳世忠交章以學行薦竟不出

興化府莆田縣志

卷十六

人物

十六
理

瑛丰神臞古其學不專於該博嘗作李氏義學記
曰人心無外以爲有外者非也聖人靜有以立天
下之大本動有以行天下之達道由體及用一以
貫之故始學之要在收放心收放心在居敬居敬
則心存聰明睿智皆由此出然後可以窮理所謂
窮理者非靜守此心而理自見也蓋亦推之以極
其至焉耳孟子曰萬物皆備於我矣此言人心無
外也不卽物以窮理其能盡此心之體乎故自性
情食息之微以及天地萬物之廣皆不可不求其

理積累既多自然融會貫通而於一本者亦自得之矣一本固非學者所且多言然中庸有曰喜怒哀樂之未發謂之中又曰上天之載無聲無臭至矣此譬如穀種雖自塊然而根苗花實皆具於此又如鷄卵雖自渾然而羽毛毛嘴距皆具於此及其發見於行事在聖人體用一貫在學者未免差互蓋在已者有所拘蔽故所發不無偏重之殊在外者有所搖奪故所施不無遷就之異然而既見本源則於處善亦安循理亦樂至於患難事變雖以死

興化府莆田縣志

卷十六

人物

九
理

易生亦甘心爲之此聖學之大畧也在南京時與人講邵氏蔡氏學著經世管籥律呂管籥又苦字學無師承乃博采諸說著字書管籥其他詩文有翠渠類藁若干卷嘗與黃仲昭同修興化府志議論間有不合自謂莆陽一拘史云卒年八十九子孫見選舉志

黃仲昭名潛以字行成化二年進士選庶吉士授編修甫三月被命翰林官各賦元宵煙火詩且出舊製令擬述以進仲昭以其詞多俚鄙近俚優非

臣所宜爲與同官章榘某共疏論之忤旨廷杖
左遷湘潭知縣一時士大夫有三君子之稱先是
修撰羅倫亦以言事被謫又有翰林四諫之號已
用給事中毛宏等言改南京大理評事郤隸卒催
直有一尸曹屬吏爲監倉大僚所構陷事下大理仲
昭曰罪下官以婚大吏台不爲也盜劫一婦共汙
且鬻之法司以盜未得財止坐首惡仲昭謂盜汙
良人當死且鬻而得直非財而何卒從其議署寺
副連丁內外艱服闋引疾弗仕者久之宏治改元

興化府莆田縣志

卷十六

人物

二十理

御史姜洪等言仲昭學問淵源當召用時三原王
恕爲冢宰奉詔起仲昭至京謁部恕及門迎之揖
讓升堂相向再拜旣而汪充纂修憲宗實錄官爲
忌者所沮僅陞江西提學僉事教人以行實爲先
有奔競躁進者必以義命抑之擊貴游子弟無所
假借以此不合於世再疏乞致仕歸仲昭氣岍屹
立好古自信嘗與陳獻章往來議論凡聖賢一言
一行務求踐履之實平生著述羽翼程朱若辨易
卦未濟春秋褒貶雅風升降及編次或問裁定通

鑑證異書法咸有發明又刊布冠婚喪祭之儀以示後學儒雅醜藉粹然一出于正矣萬歷間御史黃師顏疏請仲昭從祀孔廟部議同蔡清羅倫先專祀于鄉事蓋有待云所修有八閩通志延平邵武府志南平縣志又與周瑛同修興化府志所著有未軒集若干卷子孫科第見選舉志

宋端儀字孔時祖勸以太學生授沐陽訓導父汝勤舉鄉貢授安州學正終國子助教皆名師儒端儀自幼莊重簡默年十三四雅志慕古舉業之暇輒

興化府莆田縣志

卷十六 人物

三十一 理

取鄉先輩考論其世其於賢否邪正悉錄之以爲法戒時郡守潘琴以郡學濫祀鄉賢發策問諸生端儀品藻詳明潘大歎賞成化辛丑舉進士歷禮部主客員外郎持身清慎諳練國典諸公咸器重焉在主客四夸朝使以方物贅誠勿入或有求請輒舉故典開諭之陞廣東提學僉事至則較行藝課勤怠雖瘴鄉海島無不至其教人務以身表率而痛抑浮誕奇險之習去取黜陟一以至公行之士翕然知所嚮方矣年甫五十六卒官衆祀於學

端儀居家孝友動循禮法內外無間言性淳靜無他嗜好惟一意耽學稽經訂史汎濫停蓄而於程朱微言無不究極旨歸平生不作韻語間有議論皆根據義理關係世教不規規藻麗之工而已所著有考亭淵源錄莆陽人物備志鄉賢考證莆陽舊事偶錄立齋閒錄祠部典故高科考備遺錄藏於家子元翰宏治乙卯鄉試第一授潮陽知縣加意民瘼仁恕愛利山賊曾鈿頭攻犯貴山江南等鄉元翰討平之觸忤鄉紳陳洗坐事被逮士民釀與化府莆田縣志

卷十六 人物

三十一 理

金佐行李者千餘人一無所受及事白罷歸衆乃以所却金立祠

陳茂烈字時周先世浙之瑞安人戍籍興化衛居郡城梅峰髫年喪父繼戎役厲志邁俗不與羣兒伍晝入公署夜歸讀書祖母憐其孱弱亟止之乃韜燈默誦不少輟年十八慨然歎曰善學聖人者莫如顏曾顏之克己曾之日省豈非學之法歟乃作省克錄登宏治丙辰進士奉使廣東師事白沙陳獻章獻章與之語累日且告以爲學須靜一又退

而作靜思錄其自叙畧曰水動則波波則溷止則澄澄則照故波雖不與溷期而溷自至澄雖不與照期而照自至動靜之分也觀水可以見心矣是以貴靜息也孔門顏曾之後若周廉溪氏者志慮高潔默契道體亦以思為聖功之本又云靜則虛虛則明明則通嗣是伊洛關閩動靜夾持內外交養咸恪守此道士欲希聖賢而尋向上去可不就這裏做工夫耶初授吉安府推官吉俗健訟一詞所逮多至百十人乃下令告者無得株連妨生業

興化府莆田縣志

卷十六

人物

三十一

及訊鞫則親召至膝前以理辯折不妄施刑民亦往往輸情去召入為御史恪慎共職冠服朴素借人一牝馬乘之時大臣有縱子受賕者言官交劾不退茂烈申糾其罪鞫致仕崔志端者起道士為尚書再疏論之謂以羽流而任天子股肱喉舌辱國之甚莫逾於此不報乃以母老乞歸終養疏曰臣生十三年父善祥不幸早喪母張氏無任劬勞臣又隻身別無次丁孤苦成立臣前任吉安推官母年雖高尚能就祿繼蒙聖恩行取來京母年愈

老重違故鄉臨別叮嚀言語悲切臣待罪於茲將
二年矣顧以菲材無補風紀又蒙聖恩錄臣前任
微勞賜之勅命舉家幽明咸被天寵卽擬捐糜莫
能報答奈慈闈衰邁夕照如飛君恩尙可以再酬
母年不可以多得况臣未有男嗣又無弟兄一母
一子各天一涯千思萬思無時不思疾病獨自呻
吟藥餌孰與調節臣旣思母則報主之心亂母復
思臣則保身之心微臣心可憫母心尤可虞也伏
願陛下憐臣母子至情赦臣終養使得早慰倚門

興化府莆田縣志

卷十六 人物

三十四 理

之望少伸寸草之忱臣雖祇奉親顏仰瞻天日尙
期涓埃之報於將來再効犬馬之勞於未死矣詔
從其請歸家力供甘旨灌園菽蔬太守閱其勞遣
一力助役茂烈白守還之毋使野人添事而溢口
食也終日危坐一室以讀書窮理爲事語人曰儒
者有向上工夫詩文特土苴耳吏部以茂烈養母
清苦奏改爲晉江教諭資其祿疏辭不拜又援侍
郎潘禮例請上特令有司月給米三石以資孝養
又辭曰陛下隆孝理之化長清白之風下逮微臣

亦荷收恤豈獨臣一家之幸而已第念臣家素貧
寒食本儉薄故臣母自安于臣之養而臣亦得以
自遣其貧非誠有及人之廉盡已之孝也古人行
傭負米皆以爲親臣之貧尙未至是而臣母鞠臣
守貧居寡艱苦萬狀臣雖勉盡心力之義竟未酬
涓滴之恩且母年已八十有六來日恐無多返哺
至情固欲自盡資養月米心竊不安奏上不允茂
烈以母年九十未有嗣息日夜爲憂方抱疾而母
卒強起號哭寢地疾轉亟亦卒林少保俊爲治殮

興化府莆田縣志

卷十六

人物

三十五
理

具立其族子遠揚爲後都御史王應鵬疏言茂烈
廉約如石守道而所養獨純孝行如徐仲車而所
處尤困詔表宅里曰孝廉恤其家少保曰陳公穎
悟旣深而充養益熟隱衷粹行對天地質鬼神鄉
國敬服殆黃憲管寧之流也

劉閔字子賢幼有至性少長知學卽絕意科舉求古
聖賢禋身訓家之法率而行之動循古禮造次不
苟家甚貧極力養母定省溫清疾不解帶母或恚
怒則衣冠跪床下竟夕不敢起以父早亡與祖母

二喪不克葬遂斷酒肉遠房室訓徒隣邑朔望歸
則號哭於殯所如是者三年鄰族憐之爲助其葬
母歿哀毀骨立廬護墓側衰經䟽食終其喪祭祀
必齋沐率男婦奠獻一如文公家禮閨門嚴肅妻
失愛於母出之終身不復娶林貞肅俊起閨臺䟽
言劉閔學行高古宜徵侍青宮講讀不報御史宗
彝知府陳效又薦之詔授本縣儒學訓導職銜閔
平生學問不言而躬行嘗作主靜箴曰太極之體
惟貞而靜其在人心是之謂性靜極而動五氣順

與化府莆田縣志

卷十六

人物

三十一
理

行其在人心是之謂情至虛至明不偏不倚乃性
之德惟靜之理率性而行毫釐不差乃情之德惟
動之和體立用行動根乎靜根得其培支達斯盛
主靜之要敬以持心不睹不聞必戒必欽塵慮不
生一疵無蔽儼然若思對越上帝事物之來必精
其思隱微之際必慎其幾無過不及斯情得正酬
酢萬變主翁常定事應既過鑑空衡平動靜循環
一理運行乾乾不息馴致聖境伊顏何人在乎自

說別著有家禮考註昭穆圖宗子說五

家

經刊誤等書藏于家鄉司馬岳謂閔約身苦行敦
尚倫紀雖張湛之矜嚴好禮江革之貧窮養母象
山之不近女色殆無以過也

柯維騏字奇純弱冠領鄉薦登嘉靖癸未進士爲官
詹黃佐門人黃語人曰及門固多士異時無忝焉
儒柯氏子也授南戶部主事引疾歸後禮臣倡新
法諸京朝官請給踰三年者咸罷免維騏在停格
遂矢志巖居鍵關息交以鳴道著書自許弟子負
笈門下者四百餘人慨近世竊禪學以掩孤陋作

興化府莆田縣志

卷十六

人物

三十一
理

左右銘欲學者實志實功實用而一誠終始作講
義與生徒問辨心學講釋經傳上下千餘言作答
問會宋遼金三史爲一尊宋正統瀛國二王升在
帝紀正亾國諸叛臣之名升道術於循吏擊異訂
譌闕二十寒暑成書作宋史新編於史記慨班氏
譏評爽實少孫補綴亂真咸辨正之作史記考要
莆陽文獻一書著自鄭司馬岳維騏續撰次之貴
在砥礪名行次勲業次文章作續莆陽文獻雜文
及古詩近體溫厚典則藏修之下時藉自遣然心

不屑焉作藝餘集至若河汾一傳借古寓情斯陶
公之詠慶卿也家食五十年前後部使者李元陽
撫臣譚綸等論薦十八疏隆慶改元給事中岑用
賓御史尹校疏薦可備著述竟以引年例詔受承
德即致仕維騏秉質孝謹植躬嚴翼平居不入公
府儉以濟廉年七十有八卒鄉大夫合誄之曰才
兼述作學紹程朱蓋寶錄云兄維熊正德丁丑進
士官工部郎中有才名維熊領鄉薦官龍游知縣
性朴茂維熊子本嘉靖庚戌進士歷官浙江僉事
興化府莆田縣志

卷十六

人物

三十一
理

爲南曹郎時分司鳳陽流寇師尙詔窺臨淮將渡
黃河本率兵捍禦之賊引去臨淮人爲勒碑立祠
焉孫茂竹有傳餘見選舉志

林學道字致之少苦志力學旣入庠從泉南祭酒蔡
清遊復之江西從王守仁訂良知之說二人甚相
器重嘗遊學吳下有僉事某延之旣抵門聞其石
憂宴會曰此非吾徒也遂不入督學邵銳選又聞
士于會城書院分經擇師學道與焉司徒馬森其
及門士也後御史聶豹亦檄主書院 講守仁

撫南贛又請入濂溪書院嘉靖辛卯督學溘潢試
優超貢授都昌訓導時華亭徐階謫延平推官請
與相見不往階隨轉江西督學喜謂人曰吾今得
見林致之矣又命主白鹿洞教事無何丁祖母憂
服闋補山東定陶與諸生講解經義定陶士大夫
亦執經往聽任滿陞無爲州學正諸生走臺司懇
留不可所遺條約至今遵行之其教無爲一如都
昌定陶時馬森方守太平訊問慙慙有蕪湖人挾
于金懇一札爲道地學道謝遣之致書森曰各修

興化府莆田縣志

卷十六

人物

三
堯理

職業爲吾道重無煩使者往來庶杜請托也其寡
欲廉潔如此丙午以疾乞致仕飄然而行裝無長
物唯書板數片而已年七十卒學者私謚曰貞修
先生所著有原教錄二卷學道平生克己若武夫
守身如處女志期造聖教必蕪湖燕居正容危坐
直至夜分寢乃說巾孝友忠信粹然天成矣華亭
一題其像曰顏勤閔孝柴愚參魯若在聖門依希參
伍司徒序其傳曰行不愧影寢不愧衾其吾師致
之之謂乎亦實錄也